

考工典

考工典第一百三十卷

山居部藝文二

詩詞

詠利城山居

晉支遁

五嶽盤神基四瀆涌蕩津動求目方智默守標靜仁苟不宴出處託好有常因尋元存終古洞往想
逸民玉潔箕巖下金聲瀨沂濱捲華藏紛霧振褐拂埃塵跡從尺蠖屈道與騰龍伸峻無單豹伐分
非首陽真長嘯歸林嶺瀟灑任陶鈞

山齋

梁簡文帝

玲瓏繞竹澗間關通槿藩缺岸新成浦危石久爲門北榮下飛桂南柯吟夜猿暮流澄錦磧晨冰照
彩鸞

山中雜詩三首

錄二首

吳均

山際見來煙竹中窺落日鳥向簷上飛雲從牕裏出綠竹可充食女蘿可代裙山中自有宅桂樹

籠青雲

始營山居

劉峻

自昔厭喧囂執志好栖息嘯歌棄城市歸來事耕織鑿戶闢嵯嶢開軒望嶄巖漱水簷前溜脩竹堂
陰植香風鳴紫鸞高梧巢綠翼泉脉洞杳杳流波下不極髣髴玉山隈想像瑤池側夜誦神仙記旦
吸雲霞色將馭六龍輿行從三鳥食誰與金門士撫心論胸臆

山齋

陳徐陵

桃源驚往客鶴嶠斷來賓復有風雲處蕭條無俗人山寒微有雪石路本無塵竹徑蒙籠巧茅齋結
構新燒香披道記懸鏡厭山神砌水何年溜簷桐幾度春雲霞一已絕靈辨漢將秦

和從弟祐山家二首

北周王褒

採藥名山頂時節無春冬散雲非一色連崑崙衆峯合脊似無徑間闕定有蹤山牕臨絕頂檐溜俯
危松空林鳴暮雨虛谷應朝鐘仙童時可遇羽客屢相逢若值韓衆藥當御長房龍 結交非俗士
仙侶自招攜少華隱日月太乙尋虹霓衆林積爲籟園竹茂成埤幽谷曙無景荒途晝欲迷滴瀝寒
泉溜叫嘯秋猿啼白雲帝鄉起神禽丹穴栖箭篠時通徑桃李復成蹊今身得其所萬物可令齊

山齋

庾信

寂寥尋靜室，蒙密就山齋。
滴瀝泉澆路，穹窿石臥堦。
淺槎全不動，盤根唯半埋。
圓珠墜晚菊，細火落空槐。
直置風雲慘，彌憐心事乖。

山齋獨坐贈薛內史二首

隋楊素

居山四望阻風雲，竟朝夕深溪橫古樹。
空巖臥幽石，日出遠岫明。
鳥散空林寂，蘭庭動幽氣。
竹室生虛白，落花入戶飛。
細草當堦積，桂酒徒盈樽。
故人不在席，日暮山之幽。
臨風望羽客，巖壑澄清景。
景清巖壑深，白雲飛暮色。
綠水激清音，澗戶散餘彩。
山牕凝宿陰，花草共榮映。
樹石相陵臨，獨坐對陳楊。
無客有鳴琴，寂寂幽山裏。
誰知無悶心。

陸渾山莊

唐宋之問

歸來物外情，負杖閤巖耕。
源水看花入，幽林採藥行。
野人相問姓，山鳥自呼名。
去去獨吾樂，無能愧此生。

春日山家

前人

今日遊何處春泉洗藥歸悠然紫芝曲晝掩白雲扉魚樂偏尋藻人間屢采薇丘中無俗事身世兩相違

酬虞部蘇員外過藍田別業不見留之作

王維

貧居依谷口喬木帶荒村石路枉迴駕山家誰候門漁舟膠凍浦獵火燒平原唯有白雲外疎鐘聞夜猿

終南別業

前人

中歲頗好道晚家南山陲興來每獨往勝事空自知行到水窮處坐看雲起時偶然值林叟談笑無還期

山居卽事

前人

寂寞掩柴扉蒼茫對落暉鶴巢松樹遍人訪華門稀綠竹含新粉紅蓮落故衣渡頭煙火起處處採菱歸

春半與羣公同遊元處士別業

岑參

郭南處士宅門外羅羣峯勝槩或相引春華今正濃山廚竹裏麤野碓藤間春對酒雲數片捲簾花
萬重巖泉嗟到晚州縣欲歸慵草色帶朝雨灘聲兼夜鐘愛茲清俗慮何事老塵容況有林下約轉
懷方外蹤

終南山雙峯草堂作

前人

斂跡歸山田息心謝時輩晝還草堂臥但與雙峯對興來恣佳遊事愜符勝槩著書高牕下日夕見
城內曩爲世人誤遂負平生愛久與林壑辭及來松杉大偶茲近精廬屢得名僧會有時逐樵漁盡
日不冠帶崖口上新月石門破蒼靄色向羣木深光搖一潭碎緬懷鄭生谷頗憶嚴子瀨勝事猶可
追斯人邈千載

中峰居喜見苗發

祖詠

自得中峰住深林亦閉關經秋無客到入夜有僧還暗澗泉聲小荒岡樹影閑高窗不可望星月滿
空山

日夕山中忽然有懷

李白

古今圖書集成
久臥青山雲遂爲青山客山深雲更好賞弄終日夕月銜樓間峰泉漱階下石素心自此得真趣非
外惜歸啼桂方秋風滅籟歸寂緬思洪厓術欲往滄海隔雲車來何遲撫己空歎息

山中問答

前人

問余何事棲碧山笑而不答心自閑桃花流水杳然去別有天地非人間

西山尋辛諤

孟浩然

漾舟尋水便因訪故人居落日清川裏誰言獨羨魚石潭窺洞徹沙岸歷紆餘竹嶼見垂釣茅齋聞
讀書款言忘景夕清興屬涼初回也一瓢飲賢哉常晏如

客中遇林慮楊十七山人因而有別

高適

昔余涉漳水驅車行鄴西遙見林慮山蒼蒼夏天倪邂逅逢爾曹說君彼巖栖蘿逕垂野蔓石房倚
雲梯秋韭何青青藥苗數百畦栗林隘谷口枯樹森廻谿耕耘有山田紡績有山妻人生苟如此何
必組與珪誰謂遠相訪曩情殊不迷簷前舉醇醪竈下烹隻雞朔風忽震蕩昨夜寒蟬啼遊子益思
歸罷琴傷解攜出門盡原野白日黯已低始驚道路難終念言笑睽因聲謝岑壑歲暮一攀躋

山燕月夜作

蕭穎士

獻書嗟棄置疲拙歸田園且事計然策將符公冶言桑榆清暮景雞犬應遙村蠶罷里閭晏麥秋田野喧澗聲連枕席峯勢入階軒未奏東山妓先傾北海樽隴瓜香早熟庭果落初繁更愜野人意農談朝竟昏

題柏大兄弟山居屋壁二首

杜甫

叔父朱門貴郎君玉樹高山居精典籍文雅涉風騷江漢終吾老雲林得爾曹哀絃繞白雪未與俗人操野屋流寒水山籬帶薄雲靜應連虎穴喧已去人羣筆架霑牕雨書籤映隙曛蕭蕭千里馬箇箇五花文

百丈谿新理茅茨讀書

閻防

浪迹棄人世還山自幽獨始傍由巢蹤吾其獲心曲荒庭何所有老樹半空腹秋蜩鳴北林暮鳥穿我屋棲遲樂遵渚恬曠寡所欲開卦推盈虛散帙攻節目養閒度人事達命知止足不學東國儒俟時勞伐輻

古今圖書集成
碧澗別墅喜皇甫待御相訪

劉長卿

荒村帶晚照落葉亂紛紛
古路無行客寒山獨見君
野橋經雨斷澗水向田分
不爲憐同病何人到
白雲

送鄭十二還廬山別業

前人

潯陰數畝宅歸臥掩柴關
谷口何人在門前秋草閒
忘機賣藥罷無語杖藜還
舊筍成寒竹空齋向
暮山水流過舍下雲去到
人間桂樹花應發因行寄一攀

尋張逸人山居

前人

危石纔通鳥道空山更有人
家桃源定在深處澗水浮來落花

谷口書齋寄楊補闕

錢起

泉壑帶茅茨雲霞生薜帷
竹憐新雨後花愛夕陽時
閑鷺棲常早秋花落更遲
家僮掃蘿逕昨與故人期

歲暇題茅茨

前人

谷口逃名客歸來遂野心薄田供歲酒喬木待新禽溪路春雲重山廚夜火深桃源應漸好仙客許相尋

過山人所居因寄諸遺補

前人

空谷春雲滿愚公晦跡深一隨元豹隱幾換綠蘿陰絕逕人稀到芳蓀我獨尋廚煙住峭壁酒氣出重林蝴蝶晴還舞黃鸝晚暫吟所思青瑣客瑤草寄幽心

題崔逸人山亭

前人

藥徑深紅蘼山牕滿翠微羨君花下醉蝴蝶夢中飛

過沈氏山居

前人

雞鳴孤烟起靜者能卜築喬木出雲心閒門掩山腹貧交喜相見把臂懽不足空林留宴言永日清耳目泉聲冷樽俎荷氣香僮僕往往仙犬鳴樵人度深竹酒酣出谷口世網何羈束始願今不從區區折腰祿

罷章陵令山居過中峯道者

前人

丘壑趣如此暮年始棲偃賴遇無心雲不笑歸來晚鳴鳩拂紅枝初服傍清畎昨日山僧來猶嫌嘉遁淺託君紫陽家路滅心更遠梯雲創其居抱犢上絕巘杏田谿一曲霞徑峯幾轉跂石挂飛泉謝公應在眼願言攜手去採藥長不返

山館

皇甫冉

山館長寂寂閒雲朝夕來空庭復何有落日照青苔

問李二司直所居雲山

前人

門外水流何處天邊樹遠誰家山色東西多少朝朝幾度雲遮

山居卽事

顧況

下泊降茅仙蕭閒隱洞天楊君閑上法司命駐流年崦合桃花水窗分柳谷烟抱孫堪種樹倚杖問耘田世事休相擾浮名任一邊由來謝安石不解飲靈泉

山行經村徑

長孫佐輔

一徑有人迹到來唯數家依稀聽機杼寂歷看桑麻雨濕渡頭草風吹墳上花却驅羸馬去數點歸

林鴉

山居

前人

看書愛幽寂結宇青冥間飛泉引風聽古桂和雲攀地深草木稠境靜魚鳥閒陰氣晚出谷朝光先照山有時獨杖藜入夜猶啟關星昏歸鳥過火出樵童還神體自和適不是離人賁

尋山家

前人

獨訪山家歇還涉茅屋斜連隔松葉主人聞語未開門繞籬野菜飛黃蝶

題柳郎中故居

權德輿

下馬荒階日欲曛潺潺石溜靜中間鳥啼花落人聲絕寂寞山牕掩白雲

山居送僧

李涉

失意因休便買山白雲深處寄柴關若逢城邑人相問報到花時也不閒

尋許山人亭子

奚賈

桃源若遠近漁子棹輕舟川路行難盡人家到漸幽山禽拂席起溪水入庭流君是何年隱如今成

白頭

和考功員外杪秋憶終南舊宅之作

常袞

靜憶溪邊宅知君許謝公曉霜凝未耜初日照梧桐澗鼠喧藤蔓山禽竄石叢白雲當嶺雨黃葉繞
階風野菓垂橋上高泉落澗中歡榮來自閭羸賤賞曾通月滿珠藏海天晴鶴在籠餘音如可寄願
得隱橋東

谿居

裴度

門逕俯清谿茅簷古木齊紅塵飛不到時有水禽啼

馮叟居

劉駕

天作馮叟居山僧尙嫌僻開門因兩樹結宇倚翠壁谿南有微逕時遇採芝客往往白雲生對面千
里隔機忘若童僕常與猿鳥劇曬藥上小峯庭深無日色自從忘歸鄉不見舊親戚纍纍子孫墓秋
風吹古柏

春日山居寄友人

杜荀鶴

野吟何處最相宜
春景宜和好入詩
高下麥苗新雨後
淺深山色曉晴時
半巖雲脚風牽斷
平野花枝鳥踏垂
倒載干戈是何日
近來麋鹿欲相隨

和友人見題山居

前人

避時多喜葺居成
七字君題萬象清
開戶曉雲連地白
訪人秋月滿山明
庭前樹瘦霜來影
洞口泉噴雨後聲
有景供吟且如此
算來何必躁於名

戲題山居二首

陳羽

雲蓋秋松幽洞近
水穿危石亂山深
門前自有千竿竹
免向人間看竹林
雖有柴門長不關
片雲高木共身閒
猶嫌住久人知處
見欲移居更上山

山居卽事四首

吳融

桂樹秋來風滿枝
碧巖歸日免乖期
故人盡向蟾宮折
獨我攀條欲寄誰
不傲南牕且採樵
乾松每帶濕雲燒
庖廚却得長兼味
三秀芝根無朮苗
萬事翛然只有棊
小軒高淨簟涼時
蘭珊半局和微醉
花落中庭樹影移
無鄰無里不成村
水曲雲重掩石門
何用深求避秦客
吾家便是武陵

源

山居卽事二首

陸希聲

君山蒼翠接青冥東走洮湖上洞庭茅屋向陽梳白髮竹窗深夜誦丹經湧泉回次魚龍氣怪石驚
騰鳥獸形爲問前時金馬客此焉還作少微星不是幽棲矯性靈從來無意在羶腥滿川風物供
高枕四合雲山借畫屏五鹿歸來驚嶽嶽孤鴻飛去入冥冥君陽遁叟何爲樂一炷清香兩卷經

題韋處士山居

許渾

斷藥去還歸家人半掩扉山風藤子落溪雨豆花肥寺遠僧來少橋危客過稀不聞砧杵動應解剪
荷衣

春日山居寄友人

周賀

春居無俗喧時立澗門前路遠少來客山深多過猿帶巖松色老臨水杏花繁除憶文流外何人更
可言

山居酬韋蘇州見寄

暢當

孤柴泄烟處此中山
叟居親雲寧有事
耽酒詎知餘水定
鶴翻去松敲峰儼
如猶煩使君問更
欲結深廬

題廬岵山居

溫庭筠

西溪問樵客遙識楚人家
古樹老連石急泉清露沙
千峯隨雨暗一逕入雲斜
日暮鳥飛散滿山蕎麥花

題孫逸人山居

杜牧

長懸青紫與芳枝塵刹無因
免別離馬上多於在家日
樽前堪憶少年時
關河客夢遶鄉遠雨雪山
程出店遲却羨高人終此
老軒車過盡不知誰

山居

王建

屋在瀑泉西茅簷下有溪
閉門留野鹿分食養山雞
桂熟常收子蘭生不作畦
初開洞中路深處轉松梯

送進士苗縱歸紫邏山居

司馬禮

汝上多奇山高懷愜清境強來干名地冠帶不能整常言夢歸處泉石寒更靜鶴聲無人夜空月隨松影今朝拋我去春物傷明景悵望相送還微陽在東嶺

題王校書山齋

劉滄

猿鳥無聲晝掩扉寒原隔水到人稀雲晴古木月初上雪滿空庭鶴未歸藥圃地連山色近樵家路入樹烟微棲遲慣得滄浪思雲閣還應夢釣磯

秋夕山齋卽事

前人

衡門無事閉蒼苔籬下蕭疎野菊開半夜秋風江色動滿山寒葉雨聲來鴈飛關塞霜初落書寄鄉園客未迴獨坐高窗此時節一彈瑤瑟自成哀

過山家

張蠟

避暑得探幽忘言遂久留雲深窗失曙松合徑先秋響谷傳人語鳴泉洗客愁家山不在此至此可歸休

張舍人南谿別業

釋法振